

Urbes.

Vxor quoque *Swatana* in Reginam coronata. Sed ab eo ad *Vratislaum* & rursum in Ducatum relabitur. Verum hic ob operam Imp. Frederico sedulo navatam in expeditione Mediolanensi, ab eo Bohemiarum Rex & Imperii socius salutatus: eique destinata in clypeo insignia, Leo ruber cauda bifurcata in campo candido. Ex iis postea aliquot Imperatores facti: Rapta videlicet a *Bisetslao* & Imp. Othonis filia *Iutha*, atque cognationes contractæ. Est inter *vii* Electores Bohemiarum Rex. Urbes habet *Bohemia* alias Regi subjectas, alias Proceribus & Nobilibus. Primaria Urbes est *Praga* a *Primislao* & *Bohemia* Duce & *Libusla* ejus uxore muro & fossis cincta. Arcem in Monte habet, *Vysegradum*, sive *Herschim*. Dividitur autem tota urbs in tres Civitates, *Superiorem*, *Novam*, & *Parvam*. *Muldavia* sive antiquam *Pragam* a nova, in qua Arx est & Templum Cathedrale S. Viti, discludit: pons connectit. Pons iste lapideus est habetque *xxi* arcus, opus *Vladislai* Regis. *Carolus* & Imp. & Rex Bohemiarum urbem mirifice auxit ornavitque. Ad Arcem acclivi admodum colleitur. In Templo Arcis monumentum est singulari artificio ex Alabaistro extructum, quo Principes aliquot & Imperatores sepulti sunt. *Christophorus* *Pyramius* *Casurgim* Ptol. vult. *Aventinus* vero *Marobudius* & *Bubienum* Strab. Anno *ci*cccc*lxx* erecta ibi est Academia a Rege *Carolo*, quæ duravit usque ad annum *ci*cccc*vi*. Deinde propter factionem quandam ea *Lipsiam* translata est. Minime vero omittendum nobis de *Praga* Elogium *Iulii* *Cæsaris* *Scalgeri*:

*Septa Metallifero circum qua monte superbie*

*Hercynia medio Martia Praga Sinu.*

*Lingue aliis populis tanta munimina Sedis*

*Qui nequeant armis fura tenere loci.*

*Namque tunc est non presidio turgere locorum:*

*Sed loca presidii fidere posse tuis.*

Flumina.

Montes.

*Egra* Urbs in primo aditu Bohemiarum sita: a fl. *Egra* cui adjacet, nomen adepta putatur, olim Imperio Romano, hoc vero tempore Bohemiarum regno subjecta. Tota ornatissima, tota pulcherrima est. Intus pulchris ædificiis, civili, urbanoque populo, magnificis, & eximia virtute præstantibus Viris inlustris. Foris vero, amoenissimis ac fecundissimis hortis & agris, variisque Pomorum ac Fructuum generibus, atque piscoso flumine luxurians. Claret hodie Civitas hæc ob *Medonem* (portionem ex melle) qui nulla paratur quam in hac Civitate excellentior. Inter Opida præterea Bohemiarum insigniora numerantur *Marcomanniam* versus, que hodie *Moravia*, *Mutha*, *Chrudima*, *Hradecium*, *Regina* *Pardubutium*, *Liromissium*. Inde a limite Noricorum, *Glatavia*, *Dornazlicium*, *Misa*, *Tacovia* eminent. Ab eo vero latere, quod ad *Austriam* spectat, locum primum obtinet *Buducium*, *Crumlovica*, *Trebonia*, *Hradecium* *Henrici*: sicut a *Misnia*, *Pons*, *Cadana*, *Chomutovia*. *Austia*. Nam *Slefitis*, *Hiaromirium*, *Glacium*, *Curia* & quædam alia Opida contermina. Introrsus vero celebrantur, *Cuthna*, *Colonia*, *Pelsina*, *Verona*, *Zatecium*, *Launa*, *Slana*, *Lytomericum*, *Taborium*. Flumina præcipua sunt *Albis* quem ipsi *Laabe* dicunt, hic ad urbem *Aust* è Montibus erumpit: *Salmonum* in primis fecundus. *Muldavia* qui *Ptolemæi* *Casurgis* esse creditur, Germanis *Molsa*, ad colles *Plawva*, *Egra*, *Sassava*, *Gysera*, *Misa*, aliaque, quorum nonnulla Auri etiam ramenta ferunt, ciceris magnitudine, quæ nulla purgatione ulteriore indigent: sunt etiam quæ conchas habeant, è quibus uniones capiuntur. *Sudeta* Montes Bohemiam cingunt, partim longe introrsus pertinent, ac Regionem ipsam fere interfecant, partim extra eam etiam Meridiem versus & Occidentem excurrunt